

C. D.

De

POSTHABENDO
PRIVATO RESPECTU,

PRÆSIDE

PETRO MÜLLERO, JCTO,

CONSIL. SAXON. ANTECESSORE, CURIÆ
PROVINCIALIS, SCABINATUS AC FACULTA-
TIS JURIDICÆ ASSESSORE,

IN AUDITORIO JCTORUM

Dⁱ DECEMBER.

disputabit

AUTOR

GEORGIUS ADAMUS WILL,
SEGNIZIO FRANCUS.

JENÆ,

TYPIS GEORGI HEINRICI MÜLLERI.

Anno MDC, XCI.

THE UNIVERSITY OF CHICAGO

LIBRARY OF THE UNIVERSITY OF CHICAGO

500 EAST HALL, CHICAGO, ILL. 60607

TEL. 733-7321

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607



PROOEMIUM.



Qvidem conservatio & amor sui naturalis est tamq; intensus, ut quicquid nobis obviam veniat alieni, id postponamus nostris, & nemo non sibi benè esse mavelit quàm homini alteri. Ita ingenitus cuique sui amor non sinit alteri fidem adhibere; ac ea est ferè hominum natura, ut omnes sua mirentur, aliena despiciant. Qui amor, quæq; inclinatio ad proprium commodum tanta est, ut ordinaria relinquat, sui ipsius amor locum faciens. Sic salutem liberorum, quæ aliàs primas facit, postponere licet ad conservationem sui, naturale debitum, quo constringuntur Parentes ad alendos liberos, postponatur, si quis ipse indigeat, ne vitam amittat; Proximo quoque, quem diligere jubent Sacræ Pandectæ ut nosmetipsum, licet in casu extremæ necessitatis suum quodammodo auferre; Re-

ſpectus ſui privatus permittit privato, quod
aliàs per Magiſtratum fieri debeat, imò in
caſu injuſtę offenſionis permittitur reſiſten-
tia adverſus Superiorem. Et licet Jus civi-
le quid fieri permittat adverſus alterum, ta-
men id intelligitur ſalvâ deſenſione ſui,
quod jus, naturæ ſcil. prærogativam habet,
nec permittit, ut quis jugulandam porrigere
debeat cervicem. Ea quoq; , quæ à Legibus
juſſum habent, limitantur in deſenſione ſui,
ut alia multa taceam, quæ ſolidiùs deducta
ſunt in Diſputatione ſub Præſidio Magnifici
Domini Præſidis de *Philantia* habita. Attâ-
men accidit ſæpius, ut ceſſet amor ſui ac
poſthabendus ſit privatus reſpectus, præſertim
in cauſis negotiis que publicis, quibus heic
opponuntur privata. Quoniam verò juſſu
Superiorum, quorum juſſa capeſſere faſeſt,
ſpecimen Studiorum Academicorum mi-
hi exhibendum ſit, hanc materiam præ aliis
elegi, ut nihil ſupereſſe videatur, quàm, ut
implorato Divini Numinis auxilio, rogem,
Benevolus Lector hunc laborem, quem
non alium in finem ſuſcepi, quàm ut rationē
Studiorum quodammodo exhiberem, æ-
quibonique accipere velit. Sit ergo



SECTIO PRIOR

De

POSTHABENDO PRIVATO RESPECTU IN STATU PRIVATO.

SUMMARIA.

I. Quid denotet *posthabere*. II. Quidnam respiciat respectus privatus, III. *Femine Nobiles* & *Illustres* gaudent nobilitate sua gentis; *posthabetur* tamen respectus privatus in connubiis, quæ fiunt cum viris plebejis. IV. Ob rationem Status *posthabetur* respectus nobilitatis in nuptiis seminarum, tum quod vel consilio dentur in matrimonia plebejorum, tum quod uxores fiant Maritorum illustrium, non tamen eorum conditiones sequantur. V. *Posthabetur* privatus natiuitatis respectus, quando plebeja nubis marito nobili. VI. *Conjuges posthabita* sua innocentia idem cum conjuge sustinuerunt, vel carcerem vel exitium.

THESIS I.

Quid vocabulum *posthabere* denotet, nempe idem quod postponere, postferre, vilius pendere, notum est. Ita Terent. in *P'orm*. Nam omnes *posthabui* mihi res, ita ut par fuit, postquam tantopere id vos velle animum adverteram. v. Calepinus in *Lexic in voc. posthab.* Indè dicitur: *posthabita* ratione; item: occasio non est *posthabenda*. Unde hoc loco *posthabendum* idem nobis est ac *non eodem censu habendum*. Nomen *privati* verbo *privo* originem debet, & est vocabulum relativum. U-

surpatur hoc loco, relatione facta ad alium, qui vel *Superior*, vel *Par* quidem est, sed sine utilitate quadam, & commodo sui ipsiusmet causa non destituitur, ac manet in sui consideratione quoad individuum, licet ipsa persona, cujus respectus versatur, sit publica. Ut dicendum sit: Posthabendum esse seu postponendum id, quod aliàs naturaliter cuivis competit, ut postponat aliis, quo certa & publica causa per derelictionem istam promoveatur.

II.

Respicit verò iste respectus privatus vel *Societates primas*, vel *Rempublicam*, ejusque membra tam eminentiora, quam inferiora, vel etiam *Statum Gentium*. Quoad priores, animus est considerare in primis (1) *Societates Conjugalem*. (2) *Paternam*. Respectu *Reipublica* quæ respicit vel (1.) *Universum*, quo continentur etiam *Imperantes*, vel (2.) *Cives* vel (3.) *Exteros & in communi*. Et per posteriorem considerationem intelligo *Statum publicum* Civitatis & Societatis, quæ regitur jure gentium. Sunt itaque Duo Status considerandi *Privatus & Publicus*, atque hosce Status respicit nostra Posthabitiō. In priori expendenda est Posthabitiō privati respectus.

I.

CONJUGUM.

TH. III.

Equidem *Fæmina Nobiles ac Illustres* ex sanguine splendorem possident, ac quod privilegii instar realis à Principe datum est primo acquirenti, id postea

posteris quoque datum censetur, ut eo absq; sexus differentia gaudeant sequioris sexûs personæ, quod adeo verum existimat Tiber. Decian. *Consil. 222. n. 3.*, ut etiam filiæ tam nuptæ quàm non nuptæ comprehendantur in privilegio familiæ concessô, atque ad eas privilegium extendatur; cùm fœminæ etiam nuptæ semper dicantur de genere & agnatione patris, licet non illi, qui nascuntur ex eis, eodem censu habeantur per *l. 1. §. fin. ff. de injur. l. 1. de jure immunit. textus in l. 4. ibi: Soror de familia dicitur C. de fideicommiss.* Hinc ea, quæ ratione ortus & familiæ nativitatis debentur, filiæ quoque Illustri in respectum Parentum & Agnatorum Illustrium usque ad finem vitæ deberi, & cum ea vix post mortem extingvi asserunt. Posthabendus tamen privatus hic respectus in fœmina Nobili, quæ nubit viro plebejo, etiamsi multis qualitatibus dorato de Jure Civili *l. fœminæ*, ibi: *Fœminis dignitatem clarissimam Parentes tribuunt, donec plebejis nuptiis copulatae. §. ff. de Senator. Anchoran. Consil. 389. n. 3.* Videretur enim absurdum fore, majorem esse dignitatem uxoris, quàm mariti, capitis familiæ; & hoc propter dignitatem sexus virilis & imperium, quod maritus in uxorem habet, juxta *Can. est ordo. caus. mulierum. 33. qv. 5.* Francisc. Amaya *ad l. fin. C. de incolis. n. 5. & 10.* Unde in casu, ubi filia nobilis alicujus nupserat ignobili, & fuerat quæsitum, Num propter hoc matrimonium, quod tamen cum Doctore Juris & Regiminis Ducalis Advocato inierat, respectus Avitæ Nobilitatis posthabendus, & ipsa locum in eundo, den Rang / quem

olim in Persis & nunc apud Turcas moribus excusatum est, quibus Regum filia Satrapi nubunt. Sed & Conjugum imparitas necessitate interdum defenditur. Inde Fredericus Neapolis Rex à prudentibus est reprehensus, quòd Alexandri Pontificis filio suam filiam uxorem dare nolisset. Et Alphonsus Ferraria Ducis Principatus laudatur, quod ducendo in uxorem Lucretiam Borgiam Pontificis filiam, Principatum suum, ob ambitionem Caesaris Borgia in manifesto periculo sibi servare posset. Quod denegationem honorum & dignitatum, quarum aliàs participes fiunt uxores nobilium virorum, attinet, hoc ex singulari fit ratione Status, non quòd verum & legitimum propterea matrimonium non sit, nam licet vulgò Concubina audiat, non secus ac olim inter Senatorem & libertam non subsistebat civile matrimonium, quod tamen Jure naturæ verum & essentialiter perfectum est matrimonium; ita & nostris moribus conjugium impar, ad morganaticam, verum ratumque omnino est matrimonium, quod olim pro Concubinato erat, vid. Magnificus D. Joh. Frider. Schoberus, Jctus & Consiliarius Norimbergensis, Patronus ac Cognatus meus multis nominibus deveniendus in elegantissima Exercitat. ad Anton. Matthæi Diss. de Fundament. quibusd. Jurisprudentiæ aliter jaciendis, quàm vulgò jacta sunt. 12. Argentorat. edita pag. mibi 29.

V.

Contra verò posthabetur privatus respectus nativitatis in casu, ubi plebeja nubit Nobili Viro, quæ licet nobilitatem non consequatur, cum

nuptiæ non sint causa ejus efficiens, sed solus Imperator nobilitet, cum tamen coruscet radiis & gloria mariti, ratio plebeji sui Status amplius non habetur, sequitur enim mariti sui conditionem & dignitatem *l. 68. de Senator.* Patriam. Bartol. Angel. Platinain *l. 7. C. de incolis.* Familiam, *l. 10. C. de re milit.* Domicilium *l. 19. de juris Arch. l. 69. de judiciis.*

VI.

Quamvis Conjugum alter ob delictum ab altero commissum poenam sustinere, nec uxor maritum exulem factum stricto jure sequi teneatur, cum vitæ solum ac laborum ejus, non delictorum poenarumque consors existat, posthabuisse tamen multas ex amore hunc respectum, ac secutas esse conjuges maritos suos historiae nos edocent. Sic Lentuli Crustellionis uxor Sulpicia etiam prohibita maritum suum in exilium ejectum in Siciliam secuta est, nec recusavit se ipsam proscribi, ut fides sua in conjugē proscrip-
pta constaret. Valer. Maxim. *lib. 6. cap. 7.* Et Christianus II. Rex Daniæ regno exitus fidelissimam exiliū Comitem Conjugem Elisabetham, Caroli V. sororem habuit: Quæcum ab omnibus Daniæ Ordinibus obedientiam ipsi. tanquam Regina deferentibus in regnum revocaretur, maluit marito exilii socia esse, quàm sine marito regnare. Chron. Saxon. ad Ann. MDXXIII. fol. 302. Posthabuit quoque privatum libertatis suæ respectum Mommorantia Condæi Principis Conjug, apud Gallos dum detinebatur Condæus Princeps maritus ejus; Illa urgere pro libertate ejus; Obluctantibus

instare enixius, ut videre, solari ut liceat : Neque id permissum, nisi & ipsa perpetuam carceris solitudinem unde ferat, fore aliqui suspecta commercia conjugum, postquam in viri conscientiam vocata uxor libere hac illac digredietur. Prævaluit libertati amor in virum, dat se sociam carceri, quæ consors erat vitæ ; Aulam abdicat, subitque in carcere arcta custodia pœnam amoris rea conjugalis ; quo facto supra sexus fragilitatem posito, dici haud injuria possit, inventam ea aetate fortem, mulierem, quam negat Sapiencia in sacris paginis ; Et ipsa atri carceris horrorem patitur, rata solitudinem quascunque viro procul urbes. Novo hic juramento inter conjuges sancitur fides : reviviscit ex novo consortio, malo utriusque astro sopitus ignis : Rebus letis sæpe dissolvantur vincula Charitatis, adversa arctius ligant ; adeo felicitate corrumpimur ? Post casum commiseratione invicem fortius amant se. Sequuntur amplexus & liberi progenies Regiæ ; felix sanè Gallis custodia, per quam propagatur Borbonium semen, solitudinis tristitiam, compensante natura. Grammont. Histor. Gall. Lib. 2. ad Ann. 1616. Post conjugalem sequitur Societas, quæ est

PARENTUM & LIBERORUM.

SUMMARIA.

VII. Quamvis liberi naturaliter sequantur conditionem Parentum. IIX. Posthabendus tamen est privatus hic respectus

in liberis illegitimis. IX. Respectus materna nobilitatis non habetur ratio in liberis. X. Nec liberi in matrimonio ex L. Salica s. ad Morganaticam contracto nati sequuntur conditionem Patris. XI. Neque liberi ejusmodi in bonis succedunt, ut regulariter alii liberi succedere solent. XII. Non pene dissimilis ratio est liberorum post primum genitorum, ubi respectus eorum quoad qualitatem successionis posthabendus ob familiae conservationem. XIII. Portio bonorum, quae dicitur legitima & debitum bonorum subsidium, ex rationabili causa posthabito privato respectu potest tolli. XIV. Q. Num liceat posthabere conjugii vinculum in casu, ubi persona illustris v.g. Rex cum conjuge sua sterilis habet matrimonium?

THESIS VII.

Equidem habetur respectus Parentum, in Liberis, & hi naturaliter sequuntur conditionem Parentum suorum, & participant de honoribus, æque ac bonis. Sic in liberos utriusque sexus transit nobilitas, Joan. Ragnaud *tr. de nobilitate* n. 25. neque interest si ante nobilitatis acquisitionem siue post eam sint nati, arg. l. Senatoris filium in fin. ff. de Senator. l. 2. C. de Advocat. divers. judic. cum æquum sit, eum felicitate patris frui debere, arg. l. pen. C. de Nupt.

IIIX.

Postponitur tamen hic respectus in liberis illegitimis, quos vulgò Bastardos vocant, qui nobilitatem à Patre non mutantur Bon. de Curt. *tr. de Nobilit. c. 4. n. 4.* Tales enim nullum generis sui agnoscunt authorem, suntque novi quidam homines, veluti terræ filii, à se ipsis orti, & quoad patrem prorsus alieni, cum nec ejus gentem, familiam, domumve sequantur.

l. cum

l. cum legitima 19. de statu hom. Ludovic. de Sardis
tr. de natural. liber. p. 2. pr. n. 9. & 10. Gabr. Palæott.
de Nob. & Spuriis c. 61. n. 7. quare nec gentilitia
 nobilitate, utpote quæ agnationi & familiæ est
 annexa, non possunt gaudere Palæott. *d. l.* Imò
 respectus nobilitatis avitæ nec in Nepotibus,
 licet hi legitimo matrimonio sint nati, habetur
 ullus. *Nov. 89. c. 9. l. un. C. de mulier. quæ propr. serv.*
se junxer.

IX.

Dictum est de gentilitio honore ad poste-
 ros in legitimo matrimonio natos transmissibili,
 quod tamen non de utroque parente, sed de
 Patre saltem est accipiendum; nam respectus
 maternæ duntaxat nobilitatis quoad ejus trans-
 missibilitatem regulariter postponitur. Unde
 filii insignia matris non portant. Tiraquell. *de*
nobilit. c. 10. n. 21. nec ejus cognomen possunt assu-
 mere, Bon' de Curt. *de nobilitat. p. 4. n. 28.*

X.

Contingit quoque, ut nec in legitimo ma-
 trimonio nati liberi compotes bonorum pater-
 norum fiant, quod fit, si Pater Vir Nobilis ex
 ratione status connubium ad morganaticam
 five ex Lege Salica contrahat, ita, ut in proprio
 sanguine posthabito propriæ nobilitatis respectu,
 nobilitas non continuetur, sed talem dignitatem,
 titulum ac ordinem obtineat, qualem pacta ma-
 trimonialia assignant, v. g. si Princeps Imperii ex
 uxore in hujusmodi matrimonio susceperet libe-
 ros, consuetudinis est, ut sequantur condi-
 tionem matris suæ, quæ si nobilis, liberi erunt

nobiles , si verò plebejæ conditionis, tunc etiam tales erunt. Et sanè justæ rationes sunt, quæ volunt posthaberi respectum paternum in obtinenda nobilitate, quas vid. apud Salmuth. in *Respons. juris pro matrimonio Principis cum virgine nobili*. Mylerus ab Ehrenbach in *Gamalog. Personar. imper. illustr. c. 6.* Linck. in *Dissert. de matrimonio Lege Sacra contracto.*

XI.

Quamvis successio liberorum in bona parentum sit naturalis , eaque ex voto parentum omnino accidat ; ad quod enim magis optamus pervenire id, quod vel ex afflatu fortunæ benignioris, vel ex sudore nostrum est, quam sanguini nostro, adeo, ut Parentes de rebus suis disponentes, non possint non liberis suis relinquere ac debeant bona sua, licet non omnia, certam tamen & in Jure definitam partem. Posthabetur verò hic privatus respectus & amor in liberis ex eodem matrimonio ad morganaticam contracto natis , qui à successione ordinaria pacto interveniente remonentur , ac certa portione alimentis & sustentationi sufficienti, debent esse contenti ; idque optima ratione est introductum, ut nimirum bona avita uniantur, ac familia illustri conservetur. Virtus enim unita manet fortior in se ipsa, quam dispersa, cum divisio præsertim reiterata , bona familiæ soleant attenuare, & quasi ad nubilum deducere, arg. Nov. 18. post pr. Sonsbeck tr. de Fendis, part. 1. n. 44. Befold, Conf. 148. n. 11. & seqq. Myler. in *Gamalog. personar. imper. illustr. cap. 6. §. 24.* Quam in rem Georg-

Rich-

Richter. *axiomat. æconom.* 132, inducit quendam Fridericum Thuen ajentem, se aliquando fuisse consolatum senem de Orlamunda, & inter alia dixisse: *eum esse ex vetustissima nobilitate Thuringiaca*, sed responderat illi: *quid tibi dices de nobilitate? etiamsi essem tam nobilis, ut perdicum penna tibi per nares erumperent, & non haberem pecuniam, tamen essem miser.*

XII.

Extra hoc matrimonium ad Morganaticam dictum liberi nati videntur esse quoad successionem æquales, quod juri naturali inaximè conveniens est, cum filii sint quasi pars corporis parentum, v. Oldrad. *consil.* 94. Jacob Afaa *ir. d. primogenitur.* n. 36. & amicitia ac concordia non magis servetur inter fratres quàm æqualitate, quò pertinet elegans dictum Hieronymi: *jungat æqualis gratia, quibus junxit æqualis natura, licrum pietas nescit pecunia, in qua pietatis dispendium est, quid miraris, si propter fundum & domum oriuntur inter fratres jurgia, quando propter unicam tunicam Jacobi sancti filios exarsit invidia.* libr. d. Joseph. Patriarch. c. 2. quod non aliter se habet in privatorum hereditatibus secundum leges Romanas l. 2. 3. 4. C. de suis & legit. hered. Ob publicam tamen utilitatem privatus hic æqualitatis respectus posthabendus est, cum vix regni dignitatem & vim exiguæ regni partes tueri possint, Justin. lib. 21. *firmius futurum esse regnum, si penes unum remansissent, quàm si portionibus inter filios divideretur, arbitrabitur.* Grót. d. J. B. & P. lib. 2. cap. 7. n. 14. & merito Robertus Brussius contra ad:

adversarios disputabat, *Regna non posse dividi ad instar prediorum privatorum.* Buchanan. *lib. histor. Scot.* Satius igitur est in Regnis & Principatibus unum succedere, regere & gubernare, atque ex consequenti ut juri illi naturali, quo omnes filii æqualiter succedebant, jus primogenituræ in regnis adderetur, quo major natu duntaxat, succederet in principatu ad Rempublicam optime gerendam, prout ita concludit Michaël ab Aguirre *part. 1. Apolog. n. 113.* Hinc Panormitanus interrogatus à quodam dixit: *Successionum leges, inter rusticos esse arbitrarias, mercatoribus commune utilius quàm divisum, in nobilibus autem familiis, Regno & Ducatu, & si quid hujusmodi, oportere unicum & proximum heredem succedere.* vid. Arnisæus *d. Republ. libr. 2. cap. 2. sect. 7. n. 88.* Proinde privatus respectus, quo quis aliquâ re sibi debita uti frui debet, posthabendus est, excludunturque ubique reliqui fratres & sorores, omnesque qui præter primogeniti seriem lineamve vel nati sunt, vel nascuntur Arnisæus *relect. politic. lib. 2. c. 2. sect. 10. n. 5.* sive jus præcedentiæ, & sacrorum, sive facultatem in herede & imperiis succedendi spectes; ex quo deductum volunt natu maximum in fratres obtinere imperium, tam quoad personas quàm res, ita ut hi tanquam inferiores, monitis pariter atque præceptis ad ea, quæ reipublicæ necessaria sunt, obtemperare ac homagium præstare necesse habeant; Verùm hodie in Germaniâ nullo fiduciæ nomine, postgeniti Apanagium tenere, nec homagium, nec Vasallagium primogenito fratri præstare, nec

nec ei subjecti esse dicuntur Nicol. Betsio *d. pact. famil. illustrium. c. 8.* Besoldus verò *lib. 1. differt. Nomicopol. c. 5. 16. 7.* primogenito quodammodo subesse ceteros fratres dicit, quem excusandum volunt, si hoc respectu apanagii, non verò personæ apanagiati, intelligatur.

XIII.

Ex hisce non malè inferitur, quòd, licet portio jure communi liberis assignata ex bonis parentum debeatur, quam *legitimam* seu debitum bonorum subsidium vocant, ita ut nulla patris dispositio pro valida sit, quæ fraudem legitimæ portioni infert, v. Carpzov. *p. 3. c. 12. d. 7. & 24.* ex rationabili causâ, posthabito privato respectu tolli posse; ita ut certa illa quantitas, v. gr. si quatuor aut, infra sint, tertia bonorum pars non debeatur; sed vel certa pecuniæ summa, vel certæ ditio- nes aut præfecturæ ipsis loco alimentorum assignentur, licet quantitatem legitimæ portionis longè post se relinquant. Huc faciunt benè dicta à Perezio in *Codic. tit. d. inoffic. testam. n. 109. & seq. n. ult.* *Legitima*, inquit, *juris naturalis non est, quamvis debeatur propter naturalem causam.* Quod si enim *naturalis juris* esset *legitima*, *filius*, licet *impius & ingratus*, quæ *naturâ* essent, non posset amittere, amittit autem cum rectè exheredatur. Accedit his exemplum militis, qui, per *leges solutus* *solemnibus juris civilis*, non tenetur liberis relinquere *legitimam*, quodque testamentum validum scribat, *liberis scienter præteritis*, quibus non est querela l. 9. l. 24. C. b. t. quod certè *jus civile* *permittere* non potuisset, si *legitima* foret *juris natura*, à cujus præscripto non

*liberat lex humana. Et ut concludam: Mibi contraria dicere videntur Interpretes illi, qui dicunt, jura Naturalia, quibus adscribunt legitimam, esse immutabilia, & fatentur tamen minui atque augeri posse. Rectius itaque dicerent, juris esse civilis, ideoque, ut mutari minui de potest; ita & jure alio civili tolli & funditus eradicari, si modò insit ratio naturalis, quâ illud fulciatur. Alexander lib. 7. Cons. 3. num. 9. Castrensis ad authentic. Novissima Cod. de inofficioso testamento num. 2. Exemplum habemus in liberis ex matrimonio ad morganaticam contracto susceptis, nec non in postgenitiis, seu Apanagiatis, ubi viget Primogenitura. Quorum omnium utilitas privata & respectus majoris emolumenti posthabetur, præ respectu Conservationis Domûs; nihil enim magis imminuit opes ac Principatus, quàm divisiones tam frequentes, & inter tot stirpes, ne dicam factæ, præsertim in illustribus personis, quarum possessiones, si in varias partes discerpantur, vilescunt Schönborner. lib. 2. polit. cap. 11. Ergo licet diminutio legitimæ respectu reliquorum liberorum *jus durum* videatur, tamen si spectes finem, qui intenditur, consistens in splendore ac familiæ conservatione, æquissimum censendum est; v. Tholosanus d. Republica libr. 7. cap. 5. n. 2. Molin. ad consuetud. Paris. tit. 1. §. 1. gloss. 4. Tiraquell. d. jure primogen. quest. 23. Springsfeld tract. d. Apanag. cap. 10. n. 4.*

XIV.

Additamenti loco quærere lubet, Num Rex propter defectum sobolis liceat posthabere vinculum matrimoniale & divortium cum uxore illustri committere? Equidem sunt, qui existimant Regi licitum

tum esse propter sterilitatem seu defectum sobolis matrimonii sui vinculum posthabere atque ex ratione status divortium facere cum uxore, tùm , quod in regno turbæ ac machinationes contra Imperantem soleant oriri atque ejus mortem expetere, tùm quod in sterilibus nequeat efficax voluntas generandi prolem inveniri, quæ est finis conjugii, & hoc negato, negetur firmum matrimonium, cui consentire videtur, Augustin. *libr. d. banno Conjug. cap. 5.* *Non est matrimonium, inquit, ubi spes prolis deficit.* & Felin. *ad c. 8. X. d. for. competent. vers. demum scito;* ubi ait: *Matrimonium non est, quando mulier naturâ ita sterilis est, ut deficiat spes concipiendi,* plura vid. ap. Sanch. *lib. 9. d. 92. n. 25.* Verùm cum sterilitas à Deo proveniat *Gen. 16. 3. Psal. 127. 3. & Psal. 113. 9.* ac nemo sciat, an sterilitas illa sit perpetua, annon per Dei singularem providentiam, quæ Republicas moderatur in bonum finem, successu temporis corrigibilis sit, quæ hominibus videtur incurabilis; cum nullus hominum noverit, quo tempore Deus horum conjugum lectum fecundaturus sit; ne dicam de infelici fato ejusmodi divortiorum, cum repudiata conjugis, tum offensorum propinquotum injurias expulsa vindicantium, dicendum erit, non esse licitum Regi ita divortium facere cum uxore. Secus est, si sterilitas prodeat ex notoria quadam impotentia, quæ etiam privatis hominibus causam quodammodo divortii, & conjugii licentiam novarum nuptiarum præbet, vid. Benst. *d. matrimon. p. 2. c. 14.*

SECTIO POSTERIOR DE POSTHABENDO PRI- VATO RESPECTU IN STATU PUBLICO.

SUMMARIA.

- I. Quid per statum publicum intelligatur. II. Posthabendus est privatus injuria vindicanda respectus erga Principem. III. Parendum duro Imperantis mandato, quo rerum possessionibus privantur subditi. IV. Res privatorum divitum urgente necessitate extremâ usui Reipublice cedi debent. V. V. Princeps subditis integra bona vel prædia ob conservationem universi auferre de jure potest. VI. Si urbs vallibus fossis aut munimentis indigeat ad securitatem & ad amplificandam publicam cedere debent possessiones suas subditi. VII. Posthabito immunitatis respectu collectæ, tempore necessitatis sunt solvende. IIX. Equidem nemo potest cogi ad vendendum, nisi publica utilitas hoc precipiat. IX. Subditi casas suas tenentur diruere, si Princeps velit habere splendidiora ædificia. X. Pecuniam minuo dare obligantur subditi ad alendum militem XI. Num quis cum internecione sui ad servandam Rempublicam se tradere possit hosti. XII. Num subditus Princeps invasorem posthabito erga Superiorem respectu interficere possit. Refertur memorabilis historia. XIII. Posthabito filiationis respectu contra Parentem filius Domino Fendi tanquam Vassallus opem prestare tenetur. XIV. Num Pater possit occidere filium. XV. Num filius, tanquam Carnifex, possit Patrem jussu superioris occidere. XV. Pater delinquentem filium in exemplum ac terrorem aliorum graviore poena potest afficere. XVII. Index posthabito respectu judices

Per statum publicum heic nihil aliud intelligo, quàm conditionem illam civilem vel ipsius Imperantis, vel totius Corporis Reipublicæ, in qua itidem diversus erga diversos est habendus respectus; aliter enim erga Principem, aliter erga Eminentiores, aliter erga Equales, aliter denique erga Exteros nosmet efferimus atque obligatos profiteamur.

II.

Quod personam Principis concernit, posthabendus est privatus subditorum respectus in casu injustorum factorum, ut puta injuriarum vindicandarum; non enim, sicuti inter privatos licet maledicta maledictis repellere, id adversus Principem licebit. Insignis locus est *Eccles. 10. v. ult.* ubi in universum prohibetur, ne quis Principi maledicat: *Ne quidem in conscientia tua Regi maledicas, & in penetralibus cubilis tui ne maledicas Diviti: Quia avis cæli deferet vocem ipsam, & habentes alas annuntiabunt verbum.*

III.

Et quamvis amor subditorum erga res privatas magnus sit, ac propterea alter sanguis dicatur tam in conservando quàm in amittendo; nihilo tamen minus posthabendus est hic privatus respectus: ac parendum Imperantis mandato, licet durum sit, quo jure quæsito rerumque possessionibus privantur subditi, parendum illis nihilominus, si publica instansque urgeat necessitas, certa svadeat utilitas rei que alicujus efflagitet magnitudo. Hinc Cicero *2. d. legibus* sic in-

quit : *Respublica nomen universæ civitatis est, pro qua mori, & tui nos totos dare, ac omnia nostra ponere, & quasi consecrare debemus.* Idem 4. ad Herenn. *Non mihi soli, sed etiam atque adeo multò potius natus sum patriæ.* Tenetur quilibet civis conferre pro rata parte, quantum ad conservandum statum publicum requiritur, quo ipso etiam singulorum securitas stat. Quota census pars, & quo tempore id solvenda, summi imperii est designare. Pufendorff, *dissert. d. obligatione adversus Patriam* §. 28.

IV.

Hinc urgente necessitate extremâ res privatorum divitum usui Reipublicæ cedi atque conferri debent, adeo ut nec in ejusmodi difficultatibus hi à Republica discedere aut se eximere possint, *autb. res quæ subjacent. C. commun. d. legat. l. 3. C. d. primipil. lib. 12.* quilibet enim, qui se civem gerit, obligatione quadam naturali, & hoc ipso, quod civis est, in tantum Reipublicæ adstringitur, in quantum finis ille, h. e. bonum publicum potest intendi, augeri & amplificari, quoque magis finis ille intenditur, eò magis etiam singulorum in ordine ad societatem augetur beatitudo, add. Grotius *d. jur. bell. & pac. lib. 1. c. 1. §. 6.* & publicæ utilitatis ratio semper est ducenda potior, etiam cum aliquo privatorum incommodo Bocer. *d. jure collectar. c. 6. n. 24.* Hinc præclare Autor ad Herennium ait : *qui in navigando se, quàm navim mavult, incolumem : ita vituperandus, qui in Reipublica discrimine sua plus, quàm communi saluti consulit. Navis enim fracta multi incolumes*

evaserunt: ex naufragio Patria salvis nemo potest enatare.

V.

Princeps subditis interna bona vel prædia ob conservationem universi auferre de jure potest. Posthabendus hic respectus privatus ac juvanda est publica utilitas, cum auctoritas publica major esse debeat potentia & viribus singulorum Boxhorn. *lib. 1. Instit. politic.* Quemadmodum enim urbanorum & rusticorum prædiorum inter privatos quædam servitutes sunt, ita contractu quodam tacito Respublica hanc sibi potestatem & privatis servitutem indixisse videtur, ut; quotiescunque opus, quam minimo fieri possit privatorum damno, privata publicæ necessitati cedant. Boxhorn. *disquis. politic. 3.* Id quod confirmat Æneas Sylvius *lib. d. ortu & auctorit. S. Rom. Imper. ad Fridericum III. Archi-Ducem Austriæ I.* Nempe liberum est Imperatori, inquit, non solum homini nequam, sed etiam viro bono ac de Republica bene merito proprium agrum, proprias domus, propriasque possessiones auferre, si Respublica necessitas id expostulet &c. Quamvis enim hoc singularibus hominibus videatur esse damnosum, pergit ille, minus tamen malum est privatos viros luere, quam Rempublicam pessundari. vid. Connanus *lib. 1. comm. jur. civil. c. 10. n. 9. seqq.* Amaya *comm. in lib. 10. C. d. ann. & tribut.* Idem *lib. 1. observ. jur. c. 1. n. 63.* Lælius Zechius *d. principat. ejusque administrat. lib. 1. c. 5. n. 5. seq.* Covarruv. *tom. 2. lib. 3. variar. resolut. c. 6. n. 5.* Petr. Anton. de Petra *de jure quæsto alteri non tollendo.*

VI. Hinc

Hinc, quamvis Privatus agro aut fundo suo bene uti, nec minus ex ædificiis commoditatem habere queat, tenetur privatum hunc respectum posthabere, ac si urbs vallis, fossis aut munitis ad securitatem indigeat, ad amplificanda publica cedere possessiones suas, ne privata ista ædificia impedimento sint, tuitioni & defensionis murorum vel propugnaculorum, ex eodem principio, quod utilitas publica privatorum utilitati etiam hoc casu sit anteferenda, Cujacius in *recitat. C. d. operib. publ.* ut Princeps ex causa necessitatis atque communis utilitatis subditi sui fundum, pro dilatandis fossis civitatis vel extruendo propugnaculo occupare possit. Petr. Ant. de Petra *d. jure quasito per Princip, non toll. c. 32. sect. 5. n. 13.*

VII.

Habens immunitatem a collectis seu tributis merito ea utitur, neque ad vicinorum importunas sollicitudines ut ab ea recedat, atque quid conferat, cogi potest; Verum instante necessitate respectus libertatis posthabendus, ac quilibet cætera immunis ad conferendum naturaliter obstrictus est, *Da operam*, inquit Cicero *libr. 2. officior. ut omnes intelligant, si salvi esse velint, necessitati esse parendum.* Quæ enim respublica aut regnum sine tributis? *Nec enim quies gentium sine armis, nec arma sine stipendiis, nec stipendium sine tributis haberi queunt.* Hinc se detrahere publicæ salutis leges dicunt eum, qui ejusmodi onera recusat *l. 1. §. in causa. ff. d. quæst. juxta sacrum elogium,*
pec-

peccare in Deum videtur, qui tributa non solvit.
Matth. 22. Apostol. ad Romanos c. 13. Neque ulla im-
 munitas tam firma existit, quam ejusmodi Ne-
 cessitas non infirmet, non destruat. Unde ver-
 bum *oportet* Grammaticis impersonale esse, quod
 necessitas nullam, quantumcunque immunem,
 & privilegiatam personam respiciat, eleganter
 sentit Goswinus ab Elsbach *dissert. d. Collect. lib. 14.*
 Quod ita extensum volunt DD. ut licet quis li-
 bertatem à collectis bellicis præscripserit, neque
 quidquam eo nomine contulerit nec conferre
 teneatur, non minus ac ille, qui immunitatem
 ab his collectis specialiter ex Principis privilegio
 adeptus est, nihilominus tamen tempore belli,
 si præcisa urgeat necessitas, cui aliter provi-
 deri non possit quam collectando exemptum, ut
 si cæterorum facultates non sufficiunt: tunc e-
 nim nulla privilegia aut concessionem exemptio-
 nem tribuere; Necessitas, quæ legem non habet,
 & Patriæ incolumitas svadet; à tali siquidem
 collecta, quam publica Necessitas eaque sum-
 ma, extrema & maxima imperare compellit,
 immunitas præstari nullatenus potest, per *l. 1. C. d. indiction. l. 7. C. d. annon. & tribut. l. 19. d. decur.*
Thomas Maulius d. bonagiotit. 9 n. 83. Carpzov,
respons. Elector. lib. 4. resp. 71. n. 4. D. Ferdin. Chri-
stoph. Harpprecht. dissert. d. præscript. immunitat. d
collectis c. 4. lib. 20. Unde licet plerique existiment
 non posse Principem Vasallos suos ratione bo-
 norum feudalium collectare, excipitur tamen
 casus magnæ & insolitæ publicæ necessitatis, ut in-

terminis Bocerus *tr. d. collectis. c. 4. n. 12.* Egidius
Thomatus *tr. d. collectar. ex action. n. 21.*

II X.

Res suas quilibet bonus paterfamilias stu-
det omni servare modo, quò habeat commodo
tempore carioris annonæ; neque potest quis
regulariter cogi ad vendendum res suas; Respe-
ctus verò ejusmodi asservationis tendit ad pe-
cuniam quærendam ac se suosque ditescendum;
*l. indicium. II. C. d. contrab. emt. l. nec emere 16. C. d. jur.
delib.* Et si quis per concussionem & impres-
sionem officialium vendere fuerit coactus, ven-
ditio debeat rescindi *l. 1. C. de rescind. vend.* ac re-
stitutio absque refusione pretii peti queat *l. 11. C.
d. his que vi metusve caus.* Verùm posthabendus
est iste corradendi respectus ob utilitatem pu-
blicam, ubi tam civibus quàm ruricolis præcipi
potest, ut res ad victum pertinentes justo pre-
tio vendant, ne dum ea supprimunt, aut uberes
inde proventus expectant, annona magis ingra-
vescat & populus fame laboret, *l. 2. C. ut nem. lic.
in emt. spec. se excus. lib. 10.* Fr. Marc. p. 1. *decis. 541.
n. 3. & 6.* Quoties ergò cunque annona defice-
re videtur, nullus se excusare potest, quin Edi-
cto ad vendendum se submittat, atque si multi
in obsidione vel navi communi sunt, & quidam
frumenta habent, quibus alii destituuntur, illi,
qui vendant aliis, cogi possunt, *l. 2. §. 2. ad L. Rhod.
d. jact. conf. Stephan. Fagundez. d. J. & J. l. 5. c.
28. n. 8.* Et sic tempore publicæ necessitatis quis
cogi potest vendere pretio ab ipso Administra-
tore Reipublicæ statuto, quamvis id pretium sit
minus,

minus, quam illud, quo res illa posset communiter vendi, v. Covarruv. lib. 2. var. resolut. tom. 2. cap. 3. n. 5. in fin. Roman. in l. 2. solut. matrimon. n. 12.

IX.

Subditi in civitate quadam illustri viventes sapius exiguis domiciliis contenti intus curant, unde commodam vitam possint ducere; Si tamen splendidiorem velit princeps habere civitatem, posthabendus ille privatus, forsam majorem possidendi summam pecuniæ, respectus, nec permittendum cuiq; pro more suo vivere. Unde subditi casas suas viliores debent diruere, ædificia vilia deprecere, & splendidiora in locum eorum reponere. Quamvis civitatibus compluribus, præsertim nostris, expediat luxum constringere, omnemque superfluitatem tollere, & ab ædificiis supra modum splendidis abstinere; per multarum tamen, præsertim maritimarum, validitas atque necessitas postulat tolerare illud malum, quod in mores civium inde redundat & florentissimo ac splendido ædificandi modo alias gentes ad inhabitandum invitare, atque hac ratione potentiam suam adaugere. Negandum enim non est plurimarum civitatum, in Belgio, præsertim, potentiam valde adauctam esse modo ædificandi ornatissimo, vid. Bœcler. *dissert. de potent. civit.*

X.

Eadem ratio est in mutua pecunia cogenda à Subditis, quibus quidem haud denegatum est, ut habeant pecuniam præfidiariam & in arca repositam, neque cogi possint ad expendendam;

Urgente tamen necessitate extrema & inevitabili possunt adigi ut mutuo dent argentum aurumque ac contribuant, cum sine nummis bellum geri feliciter non posset. Benè in hanc rem Petrus Grégorius Tholosan. *lib. 3. d. Republ. c. 3. n. 1.* Quemadmodum, inquit, singulorum necessitas pecunia & nummi inventionem exiit, & acquisita pars in pecunia fuit in civitate recepta: sic & communium publicarum rerum, & reipublica utilitas postulavit ex pecuniis ararium constari, quibus non tantum inter civis negotia communia agerentur, sed etiam inter extraneos, quorum ope & auxilio Princeps & Resp. egerent, & ut per pecunias ex variis rebus collectas, onera subditorum possent commodius peraquari, pauperes relevari & benè meriti remunerari. Utque privatis explicandis negotiis pecunia faciliorem dant causam, sic quoque publicis. Atque sicut inter privatos pecunia quasita & conservata, & cum ratione expensa, patrifamil. secundum occurrentes necessitates, maximum adferunt commodum: Sic in Republ. quasita reservata, & dispensata maxime habent vim. Multa enim negotia præclara in privata, & publica causa infeliciter succedunt ob defectum presentis pecuniæ: & ob paupertatem vel inopiam, à ditioribus Respublicæ faciliè vel armis vel donis inescantur, aut subjiuntur & vincuntur. add. Försterus in Tacit. *lib. 4. Annal. verb. pacem exuere.*

XI.

Haftenus de rebus, quatenus posthabito privato respectu ob causam publicam è nostro dominio sint dimittendæ. Quid, si innocentis pri-

privati alicujus persona sit consideranda, ut v. gr. ad placandam hominis alicujus iram possit cum interitu suo servare Rempublicam, & sic universum, an posthabendum sit innatum semetipsum conservandi studium ac præferenda salutis propriæ salutis Reipublicæ periclitantis ? Casus in eam rem extat apud Libanium *tom. 1. declam. 27. Tyrannus ex urbe propinqua postulavit formosum adolescentem, adjectis de bello inferendo, ni traderetur, minis, Civitas bellum maluit tolerare, quàm adolescentem tradere. Cum jam gravi obsidione eam premeret tyrannus, pater adolescentis interfectum filium de mœnibus projecit, cadis mox, soluta obsidione, accusatur.* Super quocasu vid. Bœclerus *ad Gros. D. Pufendorffius dissert. d. obligation. adversus Patriam §. 24.* Illud, inquit, extra dubium ponendum judicamus, non teneri civitatem ejusmodi hominem defendere cum exitio. Sic enim & ipsa peribit, & innocens ille nequidquam servabitur. Neque iste postulare potest, ut pro se & secum tota civitas pereat. Ergo hoc relinquitur misero, ut quantum potest sibi ipsi consulat fugam, aut ausu quamvis periculoso. Ubi omnia in cassum cecidere, ferat calamitatem. in qua tamen utique animus servari impollutus potest, siquidem nefas est voluntaria morte ejusmodi sceditatem declinare. Civitas autem postquam ipsum pro viribus defendit, & omnem movit lapidem, ut per fugam aut alia ratione elabi posset, ubi isthæc non succedunt, & clades imminens aliter depelli nequit, ipsum deferere demum potest, id est, non prohibere, quo minus ipsum Tyrannus depre-

bendat. Ut autem ipsa eum in tyranni manum tradat, aut ut eum cogat, quo seipsum dedat, neque fas esse, neque necessarium arbitramur. Interim certum est, quod, licet omne periculum sit subeundum pro patria, de quo possit aliquo modo sperari evasio, non certa & indubitata mors.

XII.

Alia sanè ratio est, quando Princeps innocentem invaderet, neque innocens aliter quam cæde Principis vitam suam servare posset, num etiam posthabito erga Superiorem respectu, Principem interficere possit? Si qua est quæstio, quæ gravis esse videtur, inter eas hæc referenda est. Pugnat pro defensione amor & conservatio sui; pro Principe sanctitas ipsius, cum persona multis sit utilis, ut nec invadi, nec occidi possit, dicendum sit. Memorabilis est casus, qui Otoni M. Imperatori, prout historia est apud Crusium, *Annal. Suevic. p. 2. lib. 4.* accidit: Imperator Otta cum Papa esset, Principibus die Pascha solemne convivium paravit, in quo omnes cibos sibi appositos tolli iussit, ac pauperibus distribui. Cibo itaque aliopostea, dum ipse paulum secessisset, mensa ejus onerabatur. Ibi filius Ducis Svedia ac mensa Imperatoris frustum placenta tollens percussus est, in caput à Dapifero baculo quem gestabat, ut sanguis efflueret. Quodcum vidisset quidam Eques sirenuus, cujus institutioni credidus erat ille puer, facto improbo succensus, Dapiferum continuo interfecit. Rediens Imperator, vidensque quid factum esset, vehementer iratus est, ac priusquam accumberet, militem occidi imperavit. Hic

verò

verò dum imperio perturbatus, de vita sua laborare, ac dilationem sententiæ obsecrare, propter summi Festi solennitatem. Et quia Pascha Dei (inquit ap. Viterbiensem) Rex miserere mei. Recusavit Imperator (quia se juramento obstrinxerat) atque sententiæ suæ executionem absque mora faciendam clamabat. Ibi homo de se actum esse cernens, fecit quod interdum homines desperati faciunt, ut omnia prius tentent, quàm animam dimittant: In Cesaris barbam involat, manum pilis complicat, illum humi prostermit, premit, urget, strangulat, barbam evellit. Imperator (nemine liberandi causa accurrente; Ne si eum comprehendere conarentur, is prius Casarem confoderet) in tantas angustias coniectus se dimitti orat, impunitatem promittit, sanctè affirmat. Tum vix salute potitus, cum respiraret, sui que eum ad supplicium hominis incitarent: Nequaquam, inquit, quia digna factio meo passus sum: Itaque adversarii fortitudinem laudavit, tum liberum abire permisit, ita tamen, ne amplius in conspectum suum rediret. Ille tamen nihilominus in Curia manens, curam adolescentuli gerebat. Nomen fuit huic Nobili, Henrico de Kempton, sive de Kempten. Cumque adhuc in illius loci obsidione Otto esset, illi qui obsidebantur, quodam ardentis Syrii die, eruptionem fecerunt, Casarem quidem meridie somnum capiente. Tunc Alemannus eques (illo Henricus, de quo prædictum est) qui in tentorioproxime hostem fixo diversabatur, & in solio sedebat, lavans, conspecta periculi magnitudine nudus exiit, lancea & chypeo corruptis clamat, Hier Römisch Reich! Hic Romanum Imperium. Atque ita fortiter agens quemvis cetera nudus hostium progressum,

im-

impedit: donec arma imperatoria concurrerent. Admiratus tunc præclarum factum Caesar: Quis ille querit, qui tam forte se pro nobis præstitit: Quo cognito postridie Henricum accersit & interrogat:

Nonne tuis manibus nostri periere capilli;
Miles ait: Fateor, sed erat mihi culpa remissa.
Surgit in amplexus Equitis mirabilis Ottho:
Dixit ei, gaudere meis te rebus adopto.
Regia facta geris, semper amicus eris.

XIII.

Causa quoque Vasalli, præsertim ejus, qui nobile tenet feudum, publica est, tamque arcto vinculo suo Domino constringitur, ut adversus omnem hominem, excepto Imperatore obligetur *c. un. d. nov. form. fidel. 2. F. 7. & c. un. Hic finitur lex 2. F. 28. ubi tradit Feudista: Contra omnes debere Vasallum Dominum adjuvare, & contra Fratrem, & Filium & Patrem. Et quamvis hæc lex dura sit, & naturali rationi obfistere videatur, siquidem à filio tam jus divinum quam naturale requirit, ut filius Parentes honoret, iisque obsequium præstet; nam Parentes non amare, summa est iniquitas, non verò agnoscere, extrema infania, ait Seneca *de benef. 1.* Postponendus tamen hic respectus ille privatus, in iis nimirum casibus, in quibus patriam vel religionem Pater oppugnat, *argum. l. minimè. 35. d. religios. & sumt funer. l. ult. C. d. delat. lib. 10. l. 11. ff. ad L. Jul. d. annon. Spons. d. feud. part. 1. n. 38.* non minus in iis casibus, ubi dominum injustè offendit, dum enim jus naturale oppugnat, non immeritò iterum oppugnatur. Siquidem beneficio*

ficio juris naturalis frui non debet, qui contra jus naturale peccat, & qui contra leges aliquid committit, earum privilegiis gaudere non debet *l. auxilium. 37. d. minor. l. fin. §. fin. C. d. jure deliberandi. Vultej. d. feud. lib. 1. cap. 10. n. 33.* Itaque ista obligatio Vasalli filium contra Patrem non simpliciter, sed secundum quid intelligenda est. Svadent tamen Interpretes & Moralistæ, ut casu, quo Vasallus filius contra Parentem militare debet, à Domino feudi impetret, ut patiat-
tur alium ipsius nomine sisti, cum alias ipsemet in persona uti loqvuntur teneatur servitia domino suo præstare, *2. F. 23. in fin. 55. §. firmiter junct. 2. F. 26. §. si quis decefferit. 99. in fin. & 2. F. 36. v. Magnif. Struv. in Synr. jur. feudal. c. 9. apb. 8. 9. 10. & c. 11. apb. 6.* Non tamen posthabendus est respectus Patriæ; Hæc enim in promissione Vasallitica semper censetur excepta, ita, ut contra eam Dominum Vasallus non teneatur defendere, *arg. l. 7. d. 7. & 7. l. 35. d. religios. & sume. funer.* Est enim Patria, teste Cicerone, antiquior parens, quam si quis curaverit, major ei profectò, quam parenti debetur gratia. Et omnia, quæ à nobis geruntur, non ad nostram utilitatem & commodum, sed ad patriæ salutem conferre debemus, *Borchold. d. feud. c. 7. n. 43. Sylvan. d. recognit. feud. quest. 109. n. 17.* Et huc referri etiam potest Religio, quæ itidem tacitè excepta est, *arg. can. juratos. 15. qv. 5. cap. ea re' X. d. jurejur.* Non enim minus hæc quam patria cuilibet chara esse debet, quippe quòd fulcrum Imperiorum sit, servare religionem, vid. *Lipsius lib. 4. c. 2. Polit.* ubi inquit:

Tolle hoc vinculum : vita hominum stulticia ,
 scelere , immunitate complebitur , Schrader. *d.*
feudis part. 6. c. 5. n. 6.

XIV.

Amor Parentum erga liberos quàm tener
 quamque vehemens sit, vix exprimi potest, ut,
 potiùs omnia agant, quò parcatur liberis ; Ve-
 rùm amor patriæ omni privato amori præferen-
 dus est. Nam si contra Rempublicam quid ma-
 li machinentur, Parentes, si periculum in mora
 esse videatur, liberos possunt occidere. Benè in
 hanc rem Dn. Pufendorff *d. dissert. d. obligat. ad-
 vers. Patriam* §. 34. ait : Sanè & hoc incumbit pa-
 tri, ut filium formet in utile membrum Reipubl.
 multoque magis, ut eum publicè perniciosam ma-
 chinantem omnibus modis coërceat. Sic Fulvius
 Senator filium ad Catilinam (citra dubium igna-
 ro aut vetante patre) tendentem, ex itinere re-
 tractum necari iussit. *Salut. Catilæ.* Sic Brutum
 & Manlium in filios secures expedisse constat ex
Liv. lib. 2. 12. Ita verissimum est, quod Cicero *lib. 1.*
d. Offic. disserit : Cum omnia ratione, animoque
 lustraris, omnium societatum nulla est gravior,
 nulla carior, quàm ea, quæ cum republica est
 unicuique nostrum. Chari sunt Parentes, chari
 liberi, propinqui, familiares ; sed omnes omni-
 um charitates patria una complexa est, pro qua
 quis bonus dubitet mortem oppetere, si ei sit
 profuturus ? Quo est detestabilior istorum im-
 manitas, qui lacerarunt omni scelere patriam,
 & in eâ funditus delenda occupati & sunt & fue-
 runt. & *pro Milone*, Hoc animo semper fuimus
 omnes

omnes in patriæ proditoribus opprimendis, ut quoniam nostra futura esset gloria, periculum quoque nostrum.

XV.

Quoties accidit pœnas sumendas esse de malè feriatīs hominibus, opus est ministris justitiæ, sine quibus decreta sanguinaria executioni dari nequeunt ; Et cum tales sint Carnifices publica auctoritate constituti, & casus eveniat, ut nemo aliq̃, quàm Pater cujusdam hominis ad mortem damnati pœnam exequi possit, quin jussu Superiorum hoc peragere, imò posthabito paternitatis respectu munus suum, quo fungitur, publicum, non ut Pater, sed uti executor obire tenetur, præsertim ubi per intermissionem executionis damnum eveniat Reipublicæ, cui se inservire noverit. Non secus ac si quis semetipsum jussu Magistratus potest interficere imò debet, cùm vicario Dei justa jubenti in omnibus sit obtemperandum, v. *Lipsius in manuduct. ad Philosoph. Stoic. lib. 3. dissert. 23.* Nisi offenderetur conscientia Rei, Magistratus consuetum in suppliciis processum observare debet *Georg. König. in casibus conscient. cent. 6. Pruckner. in manud. quest. illustr. Theolog. cent. 7. qu. 55.* Id quod negant *Hobbes d. civ. c. 6. Keckerman. in curs. Philosoph. disp. 23. qu. 30.*

XVI.

Liberi munimen aula regie sunt, dicente Euripide. Si tamen in exilium reipublicæ conjurent, historiæ nos edocent, non peperisse Patres liberis suis. Memorabilis sanè præ omnibus historia est

gis, de qua Meteranus *lib. 3. histor. belg. ad ann. Chr. 1568.* plenius verò eam exponit Thuanus *Histor. lib. 43.* Sub id tempus, ait, de Carolo Hispanorum Principe in carcerem conjecto affertur. De eo varii sermones sparsi, in id consentientes, quòd juvenis acer, vehementer ac supra modum ambitiosus & imperii cupidus suspicionem novarum de se, apud patrem suspicacem excitasset. Voces certe ejus, quasi Belgarum (in quos tunc inquisitio feralis parabatur) vicem miserantis & seditionem excitantis, ab emissariis excepta, & ad patrem perlata fuerant ; quas sic pater accipiebat, quasi filius fugam & protectionem secretam in Belgium meditaretur : odia praterea manifesta notaveras contra Albanum, Rodericum Gomesium Silvam & Johannem Austriam, notum, qui principem gratia locum in aula tenebant. Induxerat & in animum, insidias sibi à filio paratas, idque pluribus indiciis sibi persvaserat. Enumeratu longius fortasse foret, quibus artibus munere se adversus omnem impetum studuerit, & qua deceptus tamen iterum calliditate fuerit hic Carolus, exponere. Per insidias temporis ac invidorum, altissimo oppressus somno, excitatur, cum Lermæ Comes sclopperos gladiosque sub pulvillo delitentes subtraxisset. Pulsante eum, cubito Gomesio Sylva, Ferial Duce, vix potuit expergefieri. Tandem depulso somno, ubi se captum, & patrem adesse cognovit, mortuum se inclamans, insuper etiam adstantes, ut se interficerent, lamentabili rogavit ejulatione. Increpitum gravi oratione filium Philippus surgere jubet, amotoque omni assveto famulitio custodes ei apponit, qui vestem, lugubrem misero cir-

circumponunt addito nigro pileo & aulæis, lectoque principali magnificentiâ strato mox detractis, ex omni regia supellectile curule grabatum cum culcitra reliquum fecerunt. Ita ille omni ope destitutus ex desperatione in furorem vertitur, ut non una via mortem sibi consciscere aggrediretur. Igitur Pater ubi vidit (utimur adhuc verbis Thuan) sic ingenium filii esse, ut nec ratione, aut castigatione ulla sanari posset, re rursus cum S. Inquisitionis officio communicatâ, æquum judicavit, priusquam ille sibi ipsi detestando parricidio manus afferret, ei tanquam reo damnato vim à legitimo Magistratu afferri. Quod, ut Regii nominis Majestati consulere, clam factum, propinato in jusculo veneno; quo sumto, paucis post horis, viribus liquentibus, defecit, cum XXXVII. annum attingisset. Adeo periculosum est, hoc crimine vel dubiis saltem notis attineri, ut in proprio vindicare sanguine nefas læsæ Majestatis, à Summatibus haud dubitatum fuerit, qui districtâ curâ autoritatis retinendæ, perennem Regni firmitatem veluti ex fonte derivare solent. v. Dn. Kirchmajeri diff. *Causam Parmenionis indicta causa trucidati exponens. §. 15.*

TH. XVII. & ULTIMA.

Si officium quoddam publicum ac grave est,

aplisate tuâ. & Franciscus Junius: Ne *queras* fieri *judex*, ne non *valeas* *injustè facta* tollere, ne quando *metuas* à *facie* *potentis* & *ponas* *offensionem* in *recto itinere* tuo. Sebastianus Castalio: Ne *stude* *judex* fieri, ne *injurias* *ferre* non possis, (quia, ut in *marginè* addit, *judex* eorum *odis* & *injuriis* *obnoxius* est, quos *condemnavit*) ne *fortè* *potentis* *personam* *veritus*, *integritati* tua *labem* *inuras*. *Judex* ergo in *primis* *privatum* ex *affectibus* *conceptum* *respectum* *posthabeat*, nam affectus *pestem* in *judiciis* *effectivè* *repræsentare* *solent*, & à *judice* *longè* *abesse* *debent* *Prov.* 17. 15. & 23. & *cap.* 18. 5. & *cap.* 28. 21. *remque* *consilio* & *cogitatione* *videre* non *sinunt*. Ideoque *rectè* *juxta* *Cicer.* 3. *offic.* *ponit* *quis* *personam* *amici*, *cùm* *judicis* *induit*. *Neminem* *injuriâ* *afficiat*, quia *cicadæ* *canent* *hoc* in *campis*, i. e. *pauperes* *oppressi* in *suïs* *Agris* *sonant* *has* *querelas*, & *movent* *Deum*, ut *puniat* *Tyrannos*. Ne *sit* *ullus* *personarum* *respectus* in *judicio*, sed *illibatò* *judicium* *procedat*, *fideliter* *omnes* *judices* *admonent* *Evangelista* *Johann.* c. 7. v. 24. Hieronym, *Sayonaro-la* in *loc. commun.*

Quattuor illa: Timor, Munus, Dilectio, Ran-
cor

Sæpe solent hominum rectos pervertere sen-
tus.

Idem est, quod habetur in can. quatuor 76.
X. qv. 3. quatuor modis humanum pervertitur judi-
cium. Timore, dum metu potestatis alienjus ve-
runt decernere formidantius. Cupiditate, dum mu-

neribus datis vel promissis animus est obligatus: O-
dio, dum alterutri litigantium insensum sumus: Po-
stremo Amore, dum propinquum vel amicum alie-
nare timeamus. Si Judex pius est, si timet omni-
præsentem Deum posthabitis omnibus munda-
nis rectum faciet. Tantum!

COROLLARIA.

I.

ADvocato non licet adversarii ca-
 villationes & fraudes eludere
 fraudibus & cavillationibus.

II. Spuri non sunt personæ turpes vel
 infames.

III. Vassallus feudo suo ob servitia Do-
 mino in causa evidenter injusta non præ-
 stita privari non potest.

IV. Ut mulier de beneficio non edocta,
 à juramento, quo Scto Vellejano renun-
 ciavit, recedere possit, æquitati magis con-
 venire putamus.

V. Venatores contra interdictum Prin-

Ad Politissimum WILLIUM

U. J. Cultorem

PRÆSES.

SCire nostrum secretum à Sapiencia, & quando alius non intelligit, quales opes nostri ingenii sint, scientia deliquium, & sine splendore eruditionis umbra est. Laudem verò habet, qui legit, qui audit, qui confert cum aliis, qui viam præcuntium vestigia tutò legit. Factum ergo bene; Amicissime Willi, optimaq; causa est, dum accensa tua virtus indolesque erectior as-surgit, atque hanc nostram Cathedram eligit. Laudem mereris, dum non levem tritamve materiam in augusto Themidos theatro acutè defendis. Perge cum do-ctis vivere; cum doctis discere, & docta scribere; nec morare malevolorum livo-rem, qui indubius character melioris for-tis est. Deus dotes ingenii tui indies au-geat; ut in ipsius honorem prestant fasti-gia, laborque tuus Tua olim sit sa-cratius Patria. Vale.



Alma Themis, justi didicis-
se fideliter artes,
Munere pensabit splen-
didiore TIBI!

Hæc gr. scrib.

CHRISTOPH. WERTHER
Mühlpsfort / D.

Quod magis obstrictus communi
quisque saluti,
Atque suæ vivat: NOSTER AMI-
CE, doces.
Hinc æquum sanè, cum sors violentior ur-
get,

Ut pars ob cornus quæque ferenda ferat

Quò benè posthabitò respectu
quà bona priva,

Te nostras Columnen præsidiumque fori.
O utinam multi redeant, quæis publica
cura

Essent : Ex animo scilicet esse Bonos.
Interea pergas Themidis peragrarè roseta,
Ac sedulâ Libros volve revolve manu.
Nam nisi sudanti Superi sua munera ven-
dunt,

Premia virtutis non nisi gnavus habet.
Conatus siquidem vincit probus omnia
quæque;

Ardua conanti subvenit ipse DEUS.
Hinc Tibi surget honos ingens, hinc fa-
ma perennis

TE, WILLI, referet docta per ora
Virum.

Hæc

DNO. AUTORI RESPOND:
gratulabundi adposuerunt

JOAN. GUILIELM. }
& } de Rotenhan.
PHIL: ALBRECHT }

Publica quando Salus lex est suprema,
vigeat

Publica pro voto Res, benè privata
simul.

Hinc, præferre Probum doceat quòd
publica semper

Commoda privatis : FAUTOR AMANDE,
doces,

Doctrinà rara virtuteque & indole juitus,

Ut spatia in studiis feceris egregia.

Hoc Tua promittit pietas, candorque
fidesque,

Ingenii spondent hoc melioris opes.

Sic, WILLI, studiis, SALÆ quæ Musa
fovebat,

Lumen suffundis, non sine laude Tui.

Posthabitusque tuus Respectus
quà bona priva,

Nobile nunc specimen, grande Tibique
decus;

Hunc benè jamque docens Tibi præmia
conficis inde

Nam Tibi pro meritis summi reddentur
honores,
Tradenti, quæ sit publica summa
falus,
Addimus: ex studiis ut opes volven-
tibus annis,
Excellensque brevi Nomen AMI-
CE, feras!

*Hæc levibus
Nobilissimo atque Doctissimo
DNO. AUCTORI-RESPONDENTI,
Jurium Cultori felicissimo, gratula-
bundi suum animi affectum
contestari voluerunt*

hac in illustri Salana

CONTRANEL.

